

This is a reproduction of a library book that was digitized by Google as part of an ongoing effort to preserve the information in books and make it universally accessible.

Google™ books

<http://books.google.com>



RECTORE MAGNIFICENTISSIMO,
 SERENISSIMO PRINCIPE AC DOMINO,
 DOMINO
ADOLPHO FRIDERICO IV.

DUCE MEGALOPOLIS REGNANTE,
 PRINCIPE VANDALIÆ, SVERINI ET RACEBURGI, COMITE SVERINENSI,
 TERRARUM ROSTOCHII ET STARGARDIÆ DOMINO &c.

DISSERTATIO MEDICA INAUGURALIS
DE MORBILLIS,

QUAM,
 EX CONSENSU FACULTATIS MEDICÆ,



P R Æ S I D E
 VIRO AMPLISSIMO, EXPERIENTISSIMO,
**DNO. CHRISTIANO STEPHANO
 SCHEFFELIO,**

MED. DOCT. ATQUE PROFESSORE R. O. LONGE CELEBERRIMO,
 HUIUS ACADEMIÆ CONSENIORE GRAVISSIMO,
 H. T. PRO-DECANO SPECTATISSIMO,
PRO GRADU DOCTORIS RITE ADEUNDO,
 PUBLICO ERUDITORUM EXAMINI SUBMITTIT

AUCTOR
LAURENTIUS GUMÆLIUS,
 JUNOECOPIA SVECUS,

AD DIEM VII AUGUSTI A. O. R. MDCCCLIII.

GRYPHISWALDIÆ PRELO STRUCKIANO.



§. I.

nter morbos, qui ab omni ævo terris incubuerunt, sunt morbilli, genus morbi, hominibus adeo commune ac familiare, ut raro quispiam inveniatur, quin ejus insultum, saltem semel, fuerit perpeffus. Latiffime hi præterita hyeme, non tantum heic, verum etiam in patria mea, sunt graffati, & omni sexui, omnique, & præfertim tenellæ, ætati graviffimam intulerunt cladem. Cum ergo ex præfcripto statutorum, a me Specimen inaugurale, pro capeffendis fummis in arte medica honoribus, publice ventilandum requiratur, de morbillis agere, non inconfultum effe duxi, minusque superfluum: cum tantum abfit, ut hi in omnibus cum variolis conveniant, ut potius multis in circumftantiis ab iisdem omnino difcrepent atque diffideant.

§. II.

Sunt autem morbilli puftulæ exiguæ lenticularis figuræ, & velut cutis asperitates eryfipelatofæ, cum intenfa rubedine & aliquali tumore, nec minus febri continua, sæpe infenfiffima, conjunctæ, intra fex vel feptem dies ut plurimum fine ulla fuppuratione excrefcençes, cutisque desquamationem poft fe relinquentes.

§. III.

Neque vero unius generis sunt morbilli: alii etenim sunt discreti, sparsim corporis superficiem occupantes, vel confluentes, totam hinc cutim, instar erysipelatis, rubore suffundentes & satis valde intumescere facientes: alii sunt sporadici vel epidemici: alii sunt benigni vel maligni, quorum hi virium subitanea prostratione, jectigatione corporis aliisque atrocioribus symptomatibus stipantur & facile enecant: ubi tamen notandum, hanc malignitatem, ex certa aëris constitutione haud raro morbillis propriam, probe distinguendam esse a malignitate adventitia, vel a malo ægrotantium regimine, vel a perversa medendi methodo, sua incunabula trahente: ut adeo idem illud circa morbillos usu veniat, quod SYDENHAM aliique dudum circa variolas observarunt: alii præterea sunt congrui, infantes puerosque affligentes, vel incongrui, adultiores senesve ipsos adorientes: alii denique sunt simplices, vel cum purpura, petechiis aliisque exanthematibus interpersis complicati.

§. IV.

Sed merito etiam morbilli ab aliis morbis exanthematicis, et quasi congeneribus, probe sunt distinguendi, ut rubeolis, petechiis, purpura, febris scarlatina. Licet enim horum omnium morborum, æque ac morbillorum, febris continua, plus minusve acuta, familiaris sit comes; differunt tamen a morbillis ratione figuræ, quam ista exanthemata præ se ferunt. Sicut namque morbilli figuram lenticularem; ita rubeolæ figuram longe minoris ambitus: petechiæ morfibz pulicum similem: purpura, tum rubra tum alba, seminis milii figuram, acquirunt: in febris autem scarlatina, cuticula una continuata rubedine sive inflammatione perfunditur. A variolis autem in specie differunt morbilli, quod suppurationi minus sint obnoxii: cum quævis pustula variolosa veram inflammationem, in suppurationem abeuntem, conjunctam habeat: morbillorum rubedo contra ad indolem erysipelaceam potius accedat. Præterea plura sunt symptomata, morbillis magis propria, quæ in variolis non adeo occurrunt, ut mox dicetur.

§. V.

§. V.

Quoniam vero medicus tantum curat, quantum cognoscit, & optime sciens optime curat; necessarium omnino est, ut non tantum signa, quibus præsentēs morbilli cognosci queant, tradamus, sed & causam eorundem indagemus.

§. VI.

Signa morbillorum diagnostica, sunt vel eos antecedentia, vel concomitantia, vel consequentia. Imminere autem illos, vel esse in fieri, docent atque indicant, (inprimis si morbillorum constitutio epidemica adsit, in iis, qui morbillos nondum experti sunt,) lassitudo & gravitas totius corporis, somnolentia perpetua, pallor faciei, appetitus quodammodo prostratus, tussis sicca, sternutatio frequens. Sequitur frigoris & caloris vicissitudo ac permutatio: non diu post febris continua consummata, pulsatio in spina & dorso, pruritus & punctiōis quædam molestia per faciem & mox per totum corporis habitum, ita ut corpus, præcipue vero plantæ pedum & volæ manuum, in adultis callosiores, quasi aculeis angantur: oculi involuntarie lacrymantes sunt ac rubentes, palpebræ intumescunt, nares cum pruritu, ut in coryza, serum copiosum effundentes, quem pruritus subinde etiam, post prægressam vertiginem, abundantissima narium hæmorrhagia insequi solet. Adest & rauco, nec minus vomitus, pueris præcipue *αἰδηφάγος* familiaris: sæpe vomituriō inanis.

§. VII.

Jam instat morbillorum proruptio, quæ inprimis tertio vel quarto die accidit. Hæc inter molimina in pectore non tam exanthemata, quam maculæ latæ & rubræ, superficiem cutis non superantes, conspiciuntur. Ipsi autem morbilli prorumpentes, primo solam occupant faciem: hinc sensim ad dorsum, pectus, ventrem: dein ad extrema, brachia & crura, manus & pedes, se diffundunt, quoad numerum & magnitudinem intra tres dies, cum tumore, tum faciei, tum reliqui corporis, incrementis & racematim non raro coalescentes, tandemque circa diem sextum vel se-

ptimum, rubedine discussa, cum auctiori perspiratione facta, disparent & desquamations farinosas post se relinquunt. Tantum vero abest, ut eruptione ista morbillorum facta perinde deliniantur symptomata, ac variolarum, præter vomitum, quem SYDENHAM nunquam post eruptionem observavit, ut potius omnia haud raro exasperentur. Inprimis vero, cum febris tunc intensiori ad deliria usque, circa pectus symptomata redduntur vehementiora. Rauco fit clangosa, supervenit peripnevmonia, tussis adest cum dyspnœa ad metum usque suffocationis, præsertim in infantibus corporis succulentioris, & sibilo arteriæ asperæ: fauces simul intumescunt, ut vix deglutire possint, cum salivæ, præsertim in adultis, per totum fere morbi decursum copiosiori affluxu: quin immo in malignis supervenit inflammatio, quam non diu post gangræna & sphacelus excipere solet. Non raro etiam accidit diarrhœa, cum sæcibus viridibus spumosis ac torminibus, quæ sæpe inflammationem intestinorum conjunctam habet.

§. VIII.

Licet vero symptomata morbillosa circa diem septimum emoriantur sensim; nihilominus pertinax tussis, rauco & spirandi difficultas permanent sæpe, ita ut nec interdiu, neque etiam noctu, somnus possit obrepere. Diarrhœa quoque sæpius ad plures septimanas excurrit. Sæpe etiam febris supervenit cum peripnevmonia, quæ plures jugulat, quam ullum symptoma. Non raro quoque morbillis succedit status totius corporis hydropicus, junctis vitæ & artis viribus insuperabilis: quemadmodum hoc symptoma etiam post purpuram rubram ac rubeolas haud infrequens est. Multis denique exitialis est febris lenta, cum atrophia & abdominis tumore, quibus in casibus post fata glandulæ mesaraicæ, vomitis obsessæ, repertæ fuerunt.

§. IX.

Præmissis morbillorum signis diagnosticis, quæ, ut completior sisteretur morbi historia, licet eadem ideo non in omnibus morbillosis obveniant, huc usque prolixius a me sunt adducta, ad casuum

causam morbillorum me accingo explicandam. Hanc multi, a menstruis impuritatibus, graviditatis tempore à fœtus venis absorptis: alii a recrementis primis succi nutritii in utero: alii a materni lactis extra uterum impuritatibus, similibusque causis, admodum licet remotis, repetunt. Quamvis vero concipi vix possit, id quod multi talibus causis obijciunt, quomodo ejusmodi causa, qualiscunque illa demum sit, adeo remota, tamdiu, ut quidem in adultioribus usu venire debet, in corporis quodam latibulo delitescere queat, inprimis cum tot humorum mutationes, secretiones & excretiones, totque alii morbi, qui humorum crasin totam sæpius disturbant, sese in vita invicem excipiant; probabile tamen est, cum morbilli omnibus tantum non hominibus sint tolerandi, talem omnino causam connatam, quam vero medicus tuto ignorare potest, vel saltem dispositionem certam, nulla ratione invertendam, in nobis obviam esse debere, quæ, a contagio quasi animata, morbum hunc excludat: ut adeo contagium hoc in aëre obvolitans, aliundeque, immo e longinquo etiam allatum, & vel mediantibus poris absorbentibus, vel mediante inspiratione, vel mediante deglutitione una cum saliva in corpus admissum, ope illius demum causæ vel dispositionis, per se alioquin innoxie, eodem effectus, ordine quasi mutuo se excipientes, ac quidem in prægressis morbillosis fuerunt observati, producat: post quos semel superatos homo ut plurimum a morbillis intactus permanet: quemadmodum idem in variolis contingit, æque ac morbilli humano generi familiaribus: quæ non minus etiam pro benignitate vel malignitate, qua hucusque corpora affecerunt, & alios, hucusque liberos, dum earum tyrannidi subiecti fiunt, mulctare solent, in posterum itidem, postquam causa connata plenarie deferbuit, ab ista labe immunes futuros. Idem & probat insitio variolarum, quæ ideo tum demum administratur, quando benignæ variolæ vel sparsim comparent, vel epidemice in populo grassantur: quæque, postquam homo semel iisdem defunctus est, irritum cum successu in eodem tentabitur. Ne vero quis putet, male hic allegari variolas, quasi vero & hæ fundamentum suum æque ac morbilli, a sanguine menstruo vel lacte materno, similisque farinæ causis habeant, id quod petitionem

prin-

principiis involvere posset; & alii morbi, ex contagio orti, præsto sunt, rubeolæ, purpura, petechiæ, tum veræ, tum spurix, in febris catarrhali petechizante obviæ. Nempe & hi morbi demum in corporibus dispositis, licet hæc dispositio non sit, ut in morbillis & variolis, connata, minus autem aliis, per infectionem similem tragediam corpori infecto inducunt, ac quidem in illo homine fuit observata, ex quo miasma qualicunque ratione in alterum, sanum hucusque, corpus fuit derivatum. Certam quoque dispositionem, ad morbos etiam alios in corpore suscipiendos aptam, adesse debere, & alia testantur. Hinc a pestilenti morbo homines vegetiores, & plethorici inprimis corripiuntur: qui vero chronice laborant, & languidi, optime contra se habent, immo hydrofici fere sanantur. Ex eadem illa causa Hispani toti ficci, ab impura venere cum foeminis infectis vix lue venerea afficiuntur: pinguiora vero Germanorum corpora cum iisdem foeminis peccata graviter luunt & continuo inficiuntur. Vid. BOERHAAVII *Prælect. Tom. VI. p. 272.* Idem & exemplo venenorum, certis saltem animalibus necem inferentium, aliis ea impune assumentibus, nisi res esset adeo aperta, confirmari posset. Infectionem vero per contagium fieri semper iisdem symptomatibus in infectis, ac ante comparentibus, dum quædam ad hunc vel illum morbum disponens causa in corpore est obvia, vel bovillum quoque genus his temporibus abunde comprobare potest. Hujus enim portentosa lues epidemica, per omnem Europam divagans, eadem adhuc secum vehit symptomata, qualia jam RAMAZZINUS LANCISIUSQUE circa initia hujus seculi in eodem observavit morbo: In his autem brutis, dispositionem ad hanc luem adesse, vel inde apparet, dum bubulum genus adeo violenter pervadit: ut nulla huc usque humana consopiri, ne dum restingvi potuerit ope: quæ dispositione vero post morbum semel perpeffum sublata, vel plane non, vel rarissime recidivam ejus patiuntur: quæ quidem dispositio, vel ideo quoque agnoscenda est in hoc brutorum genere, quia non modo homines, sed & alia bruta, a ferali hoc morbo illæsa relinquuntur.

§. X.

Quod si vero quis postulet, ut indolem miasmatis vel contagii morbilliosi accuratius determinem, hoc nisi fieri possit, male certam medendi methodum morbillis applicari posse, causans; is sciat, eam quidem a priori haud determinari posse, in sensus utpote minus cadentem suaeque subtilitate omnem indagacionem eludentem, ita ut modum, quo talis causa corpori applicata agat, ignoremus omnino; cognosci vero eandem ex effectibus phaenomenisque, dum sanos humores in suam indolem ita mutat, ut vel sanissimum inficere queat: ex quibus effectibus nihilominus adaequata & rationalis medendi methodus deduci poterit. Pro determinanda vero morbilliosi miasmatis indole, effectus, in morbo ipso obvii, satis probant, eandem ad materiam erysipelaceam, non autem perfecte inflammatoriam, maxime accedere, siquidem suo stimulo febrim quasi erysipelaceam non tantum excitat, sed & morbillos ipsos protrudit, qui integumenta corporis externa, vel & membranaceas partes internas saepius, tantum occupant, quosque nunquam sequitur, ut in variolis usu semper venit, suppuratio & exulceratio, sed qui cum epidermidis, ut in erysipelate fieri assolet, desquaminatione post aliquot dies secedunt: unde & morbilli a multis prava erysipelata non male dicuntur. Praeterea etiam causa morbillorum materialis, aequae ac erysipelatis, causticae acris & putrefacientis indolis esse videtur. Vehemens namque ipsius in partes nervosas operatio, instar erysipelatis, totius corporis functiones turbat, & inquietudinem, anxietates, investigationem aliaque symptomata, in erysipelate obvenientia, inducit. Longe vero graviora excitat mala, quando expulsa retrocedit, quippe quae, non secus ac erysipelacea illa, cito inflammationem internam, deliria, asthma convulsivum, spasticas stricturas, immo gangraenam & sphacelum arcessit: qualia & HOFFMANNUS de materia erysipelata recenset. *Medicin. Rat. Tom. IV. cap. de Erysipelate.* Sicut etiam juxta eundem in erysipelate non tantum sanguis, quam serum acre, sulphureae & causticae naturae, in culpa est; ita idem de morbillis merito est affirmandum: unde oculi & nares seroso profluvio laborant, et adeo frequentes sunt catarrhi, tussis, sternutationes, dyspnoeae, peripneumoniae, tormi-

na, diarrhœæ: omnia profecto mala ab erysipelacea illa materia caustica, per illas partes, ope membranæ pituitariæ Schneiderianæ, se diffundente, facile deducenda: unde & SCHULZIUS, morbillos ad lymphatico-serosos affectus potius, quam sanguineos, pertinere, indolemque sistere erysipelacæ-phlegmonodis febris haud immerito refert in *Pathologia Speciali* p. 148. Huic sententiæ certa ratione etiam velificatur Cel. JOH. GOTHOF. de HAHN, quippe qui in *Tractatu de Morbillis variolarum vindicibus*, non diu ante mortem edito, lymphatica vasa in morbillis, quos nihil aliud, quam congeries horum vasorum cutis, levi inflammatione inflatorum, esse putat, principem agere personam, demonstraturus, gravedinem, tussim, oculos lacrymosos & diarrhœam cum feбри, tanquam indivulsa morbillorum symptomata, a quibus simul morbilli a variolis ipsi quam optime dignoscuntur, adducit: licet dictorum symptomatum rationem non tam lymphæ per miasma quoddam causticæ & putredinosæ factæ, quam potius auctiori hujus affluxui ex evolutione systematis lymphatici, in morbillis contingente, potissimum accepta ferenda censeat. Scripserat siquidem ante binos hos annos *Rationem variolarum*, in qua, systema vasorum sanguineorum in variolis auctioribus vitæ motibus per actum quandam evolutionis ad majorem perfectionis gradum, majoremque illorum apparatus, ita ut vel vasa dicta jam dum præsentia in conspectum hac via deducantur, vel nondum formata formentur & perficiantur, perducere asseruerat: quam hypothesin, ingeniose excogitatam, ingeniosioribusque argumeritis ac analogiis, ex plantarum regno inprimis desumptis, ornatam, cum a WERNERO, FABRICIO aliisque docte oppugnatam videret, in *morbillis variolarum vindicibus* ingeniosissimis plane argumentis, non tamen ubivis æque satis facientibus, ulterius defendit, eamque ad morbillos simul extendit, ita ut in his systema vasorum lymphaticorum in simili evolutionis actu constitutum esse probet, adeoque utrumque morbum pro dictato quodam nobis a natura transitu boni status corporis in meliorem habeat. Hoc saltem dolendum, hunc virum exasciatissimis scriptis jam dudum clarum, morte, quam ex infirmitatibus suis sibi imminere dicit, hincque & calamo & orbi erudito valedicit, præventum,

verum

verum praxeos cum meditationibus propositis, ex copiosa & provida praxi eratis, nexum publice declarare nequivisse licet ingenue fatear, necessarias in methodo medendi indicationis non adeo prono ubique alveo ex theoria Haheniana fluere.

§. XI.

Ex hac vero materia morbillosa caustica & putrefaciente & febri concurrente, de quibus in § *precedente* dictum, facile omnia signa supra recensita derivare & explicare possem, si tempus huic dissertationi conscribendæ destinatum, id permitteret: licet negandum non sit, alias simul concurrere haud raro causas, tum internas, tum externas, quibus morbi symptomata vel numerosiora reddi, vel exasperari omnino possunt. Ad internas autem merito referendâ, temperamentum, ætas, plethora, cacoehymia, cachexia, & in genere constitutio præternaturalis quoad partes fluidas solidasque, in homine, quem morbilli corripunt, præexistens. Ad externas vero, diætâ prægressa, constitutio aëris, inprimis calida & simul humida, quippe quæ citam putredinem in sanis, multo magis in tali morbo, in quo jam materia caustica putrefaciens in culpa est, inducit, regimen justo calidius, animi affectus multaque alia.

§. XII.

Sed, quia non parum ad famam medici confert, si rite de eventu morbi, quidque hæc vel illa symptomata, inprimis, periculum quoddam præ se ferentia, involvant, aptum iudicium ferre possit: quia etiam hæc cognitio ipsi medico curanti non parum confert & lucem accendit, ut eo magis adæquata remedia, pro ratione symptomatum occurrentium, invenire possit; per quam necessarium omnino est, ut & quædam de Prognosi afferamus. In genere itaque, ut præcipua circa prognosin jam modo adducamus, notandum, ab omnibus morbillos tanquam morbum, omnis periculi expertem, declarari: quod tamen de discretis intelligendum, ubi & post eruptionem, symptomatum remissio accedere solet. Quod si vero sint confluentes eaque remissio minus superveniat eruptioni, sed potius plura symptomata, ob perspirationem tum magis impeditam; tunc morbilli, tanquam imperfecta crisis, con-

fiderandi, ut quidem in genere monuit SYLVIVS de morbillis. In specie epidemici utplurimum, incongrui vero & complicati semper, peioris ominis. Maligni, pestis instar, exitiales saepe. Quod ad symptomata, hæmorrhagia narium ante eruptionem, etiam profusior, non extimescenda; aliter vero se habet, si per morbi decursum continuat. Neque timendum, si primis febris diebus, delirium, coma, tendinum subsultus, aliaque appareant: multo minus, si pauciora adsint symptomata. Foetor morbillorum pessimus. Morbilli, cutim non superantes, pallefcentes, luridi, violacei immo nigri, quique tardius erumpunt & diutius permanent, vel & mox retrocedunt, mali. Licet alvi fluxus variolis magis, quam morbillis sit ominosus; nihilominus, nulla diarrhoea in malignis vel & epidemicis vere critica nuncupari meretur. Qui moriuntur, plerumque peripnevmonia pereunt. Inflammatio interna, ubicunque sit, plures jugulat, quam morbilli ipsi. Post morbillorum declinationem febris perseverans, vel nova accedens, metum incutere debet. Phthisis, diarrhoea, hydrops, atrophia universalis, morbillos, imprimis malignos, conseqentes, difficiles admodum curatu.

§. XIII.

Ad curationem morbillorum me accingens, moneo, eam ad tres indicationes esse dirigendam: primo scilicet ad febrim, cujus ope morbilli protruduntur: secundo ad morbillosam materiam, tum corrigendam, tum expellendam: tertio ad urgentia symptomata, eaque vel morbum concomitantia, vel consequentia.

§. XIV.

Febrim quod spectat; circa hanc omnino attendendus venit ejus gradus, numque natura in hac nimia sit in suis operationibus, num vero potius deficiat. Si itaque excessus motus febrilis adsit, id quod ex gravioribus cognosci potest symptomatibus, eo allaborandum, ut hic ad mediocritatem reducatur. Hoc, ut efficiatur, notandum, stimulum febrilem dependere imprimis a materia morbillosa caustica: quæ in morbillorum principio tamen non tam expellenda, ne morbilli immaturi quasi prodeant, majorque stimulus feбри accedat; sed corrigenda potius venit, per adæquata remedia

remedia post recensenda: quibus & nitrata parca manu addenda, quippe per quæ non minus nimis motibus frænum injicitur, ita tamen, ut de feбри modo dematur, quod abundaverit, tantum vero relinquatur de illa, quantum ad morbillos blande expellendos necessarium est, ne æger cum ipsa feбри extinguatur. Quoniam vero & alieni stimuli obvenire possunt, a materia morbillosa minus pendentes, quibus febris symptomatumque, simul concurrentium, ferocia non minus adscribenda est; & hi utique tollendi veniunt. Jam vero inprimis ad hos contribuit plethora & primarum viarum impuritates: unde sua sponte sequitur, ad has quoque causas removendas simul respiciendum esse. Si itaque plethora adsit, ex suis signis dijudicanda, quæque etiam in tenella ætate occurrere potest; venæsectio quantocyus instituenda, vel, si hæc in tenerioris, ætatis hominibus in usum vocari nequit, ejus loco hirudines applicandi: quæ quidem evacuatio, non tantum sanguinis nimiam quantitatem minuit, sed & anxietates præcordiorum & inquietudines solvit, exanthematumque eruptionem promøvet. Quod si vero cruditates primarum viarum feбри primo tempore morbillorum vehementiori reliquisque symptomatibus fomitem præbeant, siquidem experientia testatur, impura corpora majori cum molestia & periculo morbillis defungi; pro diversitate circumstantiarum vel emeticum, vel laxans blandum, minus vero acre & inflammans, exhiberi potest, vel & clysmata applicanda, laxantibus licet longe inferiora. Eadem & vomitoria & laxantia circa quantum & criticum adhuc diem locum habere possunt, si symptomata, alioqui circa hoc tempus remissiora, a vitioforum humorum in ventriculo & intestinis colluvie ortum trahant, mire hinc conquiescentia, ut in infantibus præsertim lactentibus observavit HOFFMANNUS *l. c. p. 196.* Si vero natura in suis operationibus deficiat, adeoque non sufficiat, ut motus febriles, primo morbillorum tempore necessarios, & ad eliminationem materiæ morbillosæ facientes, justa cum efficacia exerceat, sed succumbere quasi oneri videatur; loco fræni, calcaria sunt addenda ad motus depuratorios augendos: ubi præter expellentia blanda, de quibus mox dicetur, interna, epispastica, furis vel plantis pedum sunt

applicanda, ex fermento panis acido, ruta, semine sinapios, sale communi, aceto similibusque confecta.

§. XV.

Secundam indicationem requirere materiæ morbillosæ correctionem & expulsionem, §. XIII. dixi. Inter corrigentia vero a plurimis hodiernis absorbentia lapidosa, partesque animalium duriores, ossa, cornua, ungulæ, extolluntur, quorum experientiæ, invitus refragor, vel ideo, quia talia in pulverem subtilissimum redacta materiæ morbillosæ causticæ se interponere, sicque minus corrigentium remediorum explere videri possent: ex qua causa & terræ medicinales pingves & minus sigillatæ suâ laude non essent defraudandæ. Cum autem materia morbillosa simul sit putrefacientis adeoque alcaliscentis naturæ, non video, quomodo hæc remedia, licet inter bezoardica fixa vulgo dicta primum nata sint locum, aliquid boni efficere possint, dum unice acidum, minus tamen in morbillis peccans, absorbendo agunt, non vero ab acido quodam ventriculi soluta, in massam sangvineam, vel per minutissima vasa lactea, vel villos intestinorum veniosos, haud facile, immo forte plane non, transire queunt. Ne jam dicam, me dubium hæere, annon illa ipsa antacida in hoc morbo noxia potius esse possint, dum, acidum superstes ventriculo surripiendo, majori putredinis incremento ansam dant. Partes vero duriores animalium in specie, vel ideo quoque nocere possunt, dum partes gelatinosas in se foveant, quæ in ventriculo extricatæ non minus putredinem facile concipiunt. Hinc omnino credo, acida potius, tum vegetabilia, tum mineralia, summum usum in hoc morbo habere, quippe quæ, si quid aliud, putredini maximopere resistunt; qualia & PELARGUS in suis *Eteodromis* merito commendat, alios ut taceam. Sed nitrata quoque vim istam causticam infringere queunt: unde non tantum nitrum depuratum, sed & alia nitrata, ut nitrum antimoniatum, sal polychrestum aliaque, nitro tamen depurato utilitate multum cedentia, simul in usum vocanda. His denique omnibus pro eodem corrigendi scopo, mucilaginosæ decoctæ hordeaceæ, avenaceæ, aliaque materiam acrem involventia & discontinuantia aquosa interpolanda: & quidem

quidem talia, quæ sibi relicta, acescunt, non vero putrescunt, unde juscula gelatinosa hoc in morbo exulare debere, firmiter persuasum. Quod vero ad expellentia; illa utique conveniunt, ubi justo tempore, ob vires naturæ ipsius, expulsiōni impares, exanthemata vel non proudeunt, vel proudeuntia cutim non satis eleuant, vel etiam interiora versus retrocedunt. Equo enim currenti, quis calcaria addat? Temperata tamen esse debent hæc remedia, ut herba cardui benedicti, scabiosæ, scordii, semen napi, aquilegiæ, radix angelicæ, contrajervæ, sub forma pulveris vel infusi, minus vero essentia, parca manu propinanda: nec minus flores sulphuris conveniunt: antimonium vero diaphoreticum, bezoardicum minerale, cinnabarim quancunque, minus probare possum, quippe quæ inertia in hoc morbo mihi medicamenta esse videntur. Sed spiritum cornu cervi aliosque spiritus alcalinos volatiles qualescunque, tincturas bezoardicas, aliaque calidiora plane non svaserim; majorem utpote dispositionem ad inflammationes internas putredinemque humorum inducentia, morbillosque benignos in malignos quam facillime convertentia.

§. XVI.

Quod denique ad tertiam indicationem, symptomatibus opponendam; intelligenda hic unice sunt urgentia, periculum majus, immo ipsius vitæ, involventia, hinc sine mora auxilium efflagitantia: reliqua enim leviora non adeo attendenda, quippe quæ levius & sine periculo tolerantur: quo pleraque eruptioni præcedentia referenda, quippe quæ, si a miasmate morbilloso, tanquam symptomata critica, sunt consideranda. Inter urgentia vero illa, non male primo loco adduco pruritus & punctionem, circa initia morbi, inprimis in adultioribus, in plantis pedum & volis manum, ob callosam ibi cutim, occurrentem: quod symptoma sæpe adeo intolerabiliter affligit, ut æger haud raro mori malit, quam illud diutius ferre: unde unguibus se scalpit ad effusionem sanguinis usque: post quam lacerationem vero calorem urentem ad animi deliquium patitur, supervenientibus maculis, purpureis lividis, sæpe lethalibus, vel gangræna, & in septima vel nona die interitu. vid. FORESTUS *Obs. med. L. VI. obs. 42. & VIOLANTE de Morbillis p. 161.* Contra hoc symptoma placet con-

siliū

filium FORSTI, qui jubet, ut æger pedes, & manus continuo teneat in aqua calida: qua ratione cessat malum & morbilli melius per cutim molliorem factam ibidem emergunt. In faucium inflammatione, ad gangrenam tendente cum fructu præter venæsectionem adhibetur rob dianucum & gargarismi, quibus camphora admiscenda. Tussi confert diacodium Montani, vel extractum papaveris rheados aut croci. nec non oleum amygdalarum dulcium, cum syrupo violarum & capillorum veneris, vel de meconio, mixtum: quibus omnibus infusum vel decoctum quoddam pectorale ex radice scorzonæræ, sarsaparillæ, liquiritiæ aliisque adjungi poterit, cum nitro admixto, per morbi decursum potui frequenter dandum: illa vero papaverina non tam primis morbi diebus, sed potius inclinante demum morbo, conveniunt: quo tempore & laxantibus, bis vel ter repetitis, debellanda, nec non usu millepedum frequentiori, ac medicamentis epispasticis externis. Circa diarrhœam observandum, hanc sæpe, inprimis post morbillos regressos, esse criticam, quam si reprimeres, facile exulcerationes anginosæ & faucium, aliaque graviora symptomata introduci possent. Si vero est symptomatica, id quod ex dysphoria cognoscitur, aliter agendum, blandis nempe anodynis, terra sigillata rubra, cascarilla similibusque corroborantibus. Conveniunt etiam clysteres ex jusculo avenaceo & radice tormentillæ. Si verb diarrhœa ex inflammatione, qualem **SYDENHAM** hunc morbum vel statim excipere, vel etiam post ejus fugam ad plures septimanas excurrere testatur, optimum ejus consilium est, venæsectionem instituere, quippe qua sola hoc symptoma levare ait. Simili vero modo & reliqua symptomata inflammatoria venæsectionem requirunt. Hinc **FREIND** in *Hist. med.* si vehementia in morbillis sint symptomata, venæsectionem suadet pag. 45. 46. Hinc etiam **MORTON** in iis, inprimis ophthalmia, faucium inflammatione, angina, peripnevmonia, nec minus in diarrhœa, venæsectionem, etiam liberaliorem, quasi æger morbillis non esset affectus, maximopere commendat, sancte testans, se hac ratione, plurimos ab ipsis orci faucibus subito & feliciter eripuisse. *Pyretolog. cap. IV.* Idem auxilii genus contra peripnevmoniam scadet etiam **SYDENHAM**, bis vel ter, prout opus fuerit repetendum, conveni-

convenienti spatio interposito inter singulas venæsectiones, non alio remedio huic symptomati occurri posse, omnimode convictus. *operum p. m. 199. & 1589.* Cum hoc per omnia consentit M E A D, qui præterea, ut fomitem peripnevmoniae præscindat, in febris post morbillorum eruptionem incremento venæsectionem, etiamsi jam initio morbi instituta fuerit, interdum repetendam urget, id saltem mirans, quomodo SYDENHAM venæsectionem in principio morbi negligere potuerit, cum tantam utilitatem ex ea in gravissimis morbillorum symptomatibus toties observaverit: id quod præpostero cuidam metui adscribit. *de variolis cap. VI. de Morbillis.* Ad eadem illa symptomata inflammatoria jure quoque referendi morbilli, ex abusu remediorum calidiorum & regimine calidiori in adultis livescentes: de quibus, eodem SYDENHAMO iudice, conclamatum est, ubi primum nigredo ista conspicitur, nisi phlebotomia et temperationis regiminis refrigerio iis actutum subveniatur. l. c. p. 197. Quod ad hæmorrhagias symptomáticas, progressu morbi obvenientes; dum a sanguine per putredinem dissoluto, oriri videntur, antiseptica acida mineralia efflagitant. Symptomata denique morbillos consequentia non nisi respectu, ad morbum primarium habito, radicitus evelli possunt.

§. XVII.

Paucis denique diæta venit tangenda: ubi quidem præ ceteris regimen calidius cane vel angue pejus fugiendum, ob syncopen lethalem, peripnevmoniam, inflammationem faucium & oculorum, diarrhœam, exanthemata morbillosa nigrescentia, aliasque damna gravissima hinc metuenda. Hinc non tantum hypocaustum iusto calidius, sed & nimia integumenta & lecti molles plumisque distenti omni modo absint. Hinc & exulet porus calidus, multo magis vinum & cerevisia generosa: quorum loco vel juscula hordeacea vel avenacea, vel etiam hydrogala ex lacte cum triplo aquæ cocto subministranda veniunt. A carnibus omnimode æciam arcendus æger: potius pomum coctum vel aliâ acidula vel æscencia concedenda. Post morbum liberior frigidiorque aër fugiendus, quippe qui error est magis fonticus post morbillos, quam variolas, corpusque perspirabile servandum, blandis intercalatis laxantibus, victusque parvus & tenuis continuandus: qua quidem via corpus a variis symptomatibus immune servari poterit.

CUM
MEDICINÆ CANDIDATUS
 PRÆCLARISSIMUS DOMINUS
LAURENTIUS GUMÆLIUS
DE MORBILLIS
 DEXTERRIME SUMMAQVE CUM LAUDE DISPUTARET
 ATQVE
 TITULO DOCTORIS ERUDITIONIS GLORIA CONSPICUUS
 RENUNCIARETUR:
 HUIC PROBATÆ FIDEI VIRO
 AMICO INTEGERRIMO DILÈCTISSIMO ET POPULARI DIGNISSIMO
 S. P. D.
PETRUS LUNDELIUS M. D.

Ab humanioribus studiis & scientiis cujuscunque sint generis, tantum abest, ut Suecia nostra, domicilium quippe literarum illustrissimum, abhorreat, ut eo magis tantas res foveat, mirum in modum excolat, summamque exinde capiat voluptatem & veræ dulcedinis fructum, quo barbarorum regionem Patrii Lares cum studiorum deliciis & virtutum celebratione in sempiternam laudem atque emolumentum dudum felicissime commutarunt. Et utinam barbaries ubique locorum & gentium in secula sempiterna ita esset proscripta & nunquam recurreret! Sic profecto haberet orbis literatus, de quo sibi in sinu perpetuo gratularetur.

Ex quo tempore, Tu *Suavissime Amice* mihi innotuisti, novi enim Te, cum etiam esses prætextatus, cultura studiorum literarum medullis animi Tui tam firmiter hæsit, ut olim Te inde fertilem atque publicæ Rei & fructuosæ illi arti, medicinæ, fructuosum evalurum, diu judicaverim. Nunc expectationem judiciumque meum ipse faustissimus eventus comprobat. Salve igitur *Præclarissime Domine Candidate*, qui ob indefessam diligentiam & curam in omni scientiarum genere per duo lustra

&

& quod excurrit, adhibitam, nunc a Choro Medicorum gloriam
titulumque honoris jure reportas. Sit felix faustusque hicce
dies, quo Tu triumphum agis gloriosum, cognati atque amici
vero affecti gaudio complodunt, Svecia virum doctrinæ cele-
britate clarum & civem dignissimum recipit, & dein omnes
singulique cives Sviogothici, qui cura curationeque corporis
sui languidi indigent, de Tuo auxilio, consilioque maximopere
gloriarî queunt. Præterea

- - - *Fortuna Tibi nubat*
Vincat vota Tua fortune faventis afflatus.
Vale.

Wålment Eyclönskan
En MEDICINÆ CANDIDATEN
Ädel och Höglärde Herr LARS GUMÆLIUS,
Min kärafte Broder!

Ledda till Titul och hatt, som tig nu kommer at gifwas,
At sjukdom twinar och dör, men menniskior lefwa och trifwas.
Lycka med Pulver, med Piller och wårkande, stårkande Droppar,
Som kunna lindra och bota de matta och sjukliga kroppar.
Doctor at kallas är wål, när man till namnet kan swara;
Men illa den gör, som ey det samma i wårket will wara.
Långt bättre ju är, at låta sig sielf af Läkare hielpa,
Än utaf brist uppå wett nödlidande siälur at stålpa.
Äh at så många, som önska at få en Doctor-hatt bära,
Wille besinna det rätt och konsten grundeligt lära!
Äldrig så många, jag tror, då skulle stå kalla på Bären,
Innan de sedt sina mognaste åhr och sifwergrå håren.
Du, min kärafte Bror, som slit med snille förenat,
Äfwen det samma, som jag, om denna saken har menat.
Derföre blifwe tin lön, tillika med Titul och hatten
Praxis, som makalös är, och der af den härliga skatten,
At tin ömhet och konst af sjuklingar aldrig må glömmas,
Samt dit ärliga namn blandt alla wida berömmas!
Frångifwen af

BIRGER GUMÆLIUS.

Steig frisch zum Pindus an, du Sohn der Pierinnen,
 Um Dir den Doctor-Hut zum Lohne zu gewinnen;
 Setz Dich bey'm Phöbus hin. Ein Weiser scheut sich nicht
 Den Preis zu nehmen an. Ein andrer, dems gebricht
 An Weisheit, Kunst und Wig, mag sich in Sorgen stecken,
 Wie seinen Unverstand er könn' mit Titeln decken.
 Ein wohl verdientes Lob kommt von sich selbstten wol.
 Du warst von Jugend auf der freyen Künste voll.

Dieses schrieb seinem wehrten Friend zu Ehren

JOH. GEORG. COLLIANDER, Ph. M.

